

罰。

王者尚其德而希其刑。

史繡曰。聽獄不中。死者不可生也。斷者不可屬也。故曰

大理為務。

繡音秋。中。去聲。屬之六切。大理。理獄之職也。凡用刑不可輕。必使大理以詳察之。

然後刑罰得中。所以其職為要務也。並政理屬。

漢文帝詔曰。今人有過。教未施而刑已加。欲改行而無繇

至。朕甚憐之。夫刑至斷支體。刻肌膚。終身不息。何其

痛而不德也。豈為民父母之意哉。其除肉刑。

行胡孟切。繇由。

同夫音扶。齊太倉令淳于意有罪當刑。其少女緹縈上書曰。妾父為吏。齊中皆稱其廉平。今坐法當刑。妾傷夫死者不可復生。刑者不可復屬。雖欲改過。其道無繇。願沒入為官婢。以贖父刑。文帝憐之。乃詔除

肉刑。是時刑罰大省。至於斷獄四百。有刑措之風者。良以此歟。少去聲。緹音提。復教又切。斷都玩切。

景帝詔曰。獄重事也。人有智愚。官有上下。獄疑者讞有

司。有司不能決。移廷尉讞。而後不當讞者。不為失。欲

令治獄者務先寬。

讞語塞切。令平聲。

章帝詔曰。往者以來。掠者多酷。鈇鑽之屬。慘苦無極。念

其痛苦。怵然動心。宜及秋冬治獄。明其為禁。

並通鑑綱目。

鈇其廉切。鑽祖官切。怵尺律切。

張釋之曰。廷尉。天下之平也。壹傾天下用法。皆為之輕

重。民安所措手足。

釋之為廷尉時。文帝出行中涓橋。有一人從橋下走。乘輿馬驚。捕屬

廷尉。釋之奏犯驛當罰金。上怒。釋之曰。法者。天子所與天下公共也。今法如是。更重之。是法不信於民也。

且方其時。上使使誅之則已。今已下廷尉。廷尉。天下之平也。壹傾。天下用法皆為之輕重。民安所措手足。惟陛下察之。文帝良久曰。廷尉當是也。其後有盜高廟玉環。得。下廷尉治。釋之。秦當棄市。文帝大怒曰。人無道。乃盜先帝器。吾欲致之族。而君以法奏之。非吾所以奉宗廟意也。釋之。謝曰。法如是而族之。假令愚民取長陵一杯土。何以加其法乎。文帝乃許之。○揚時曰。釋之之論犯驛。其意善矣。然曰方其時。上使使誅之則已。是聞人主妄殺人之端也。既曰法者天子所與天下公共。則犯法者天子必付之有司。以法論之。安得越法而擅誅乎。來去聲。

賈山曰。節用愛民。平獄緩刑。天下莫不說喜。說音悅

賈誼曰。秦使趙高傅胡亥而教之獄。所習者非斬劓人。則夷人之三族也。故今日即位而明日射人。忠諫者謂之誹謗。深計者謂之妖言。其視殺人若艾草菅然。

豈惟胡亥之性惡哉。彼其所以道之者。非其理故也。

鄙諺曰。前車覆後車誡。劓以智切射音石。艾音刈管音間。

湯武置天下於仁義禮樂。累子孫數十世。此天下所共聞也。秦王置天下於法令刑罰。禍幾及身。子孫誅絕。此天下所共見也。是非其明効大驗邪。人之言曰。聽言之道。必以其事觀之。則言者莫敢妄言。今或言禮義之不如法令。教化之不如刑罰。人主胡不引殷

周秦事以觀之也。累音猥切。幾音機。

董仲舒曰。王者欲有所為。宜求端於天。天道之大者在陰陽。陽為德。陰為刑。刑主殺而德主生。是故陽常居

大夏而以生育長養為事。陰常居大冬而積於空虛。不用之處。以此見天之任德不仁刑也。王者承天意以從事。故任德而不任刑也。長上

路温舒曰省法制寬刑罰則太平之風可興於世。初孝武之

世徵發頻數。百姓貧耗。民多犯法。於是使張湯趙禹之屬條定法令。其後姦猾巧法。轉相比况。禁固浸繁。律令煩苛。宣帝在閭閻間知其若此。會廷尉史路温舒上書曰。臣聞秦有十失。其一尚存。治獄之吏是也。夫獄者。天下之大命也。死者不可復生。斷者不可復屬。書曰。與其殺不辜。寧失不經。今治獄吏則不然。上下相毆。以刻為明。深者獲功名。平者多後患。故治獄之吏皆欲人死。非憎人也。自安之道。在人死。是以死人之血。流離於市。被刑之徒。比肩而立。大辟之計。歲以萬數。此仁聖之所傷也。太平之未洽。凡以此得也。夫人情不安則樂生痛則思死。捶楚之下。何求而不得。故囚人不勝痛。則節辭以示之吏。治者利其然。則

指道以明之上。奏畏却。則鍛練而周内之。蓋奏當之成。雖臯陶聽之。猶以為死有餘辜。何則。成練者衆。文致之罪明也。是以獄吏專為深刻殘賊而止。極。媮為一切。不顧國患。此世之大賊也。故俗語曰。畫地為獄。議不入。刻木為吏。期不對此。皆疾吏之風。悲痛之辭也。故天下之患莫深於獄。敗法亂正。離親塞道。莫甚乎治獄之吏。此所謂一尚存者也。惟陛下除誹謗以招切言。開天下之口。廣箴諫之路。掃亡秦之失。尊文武之德。省法制。寬刑罰。則太平之風可興於世。天下幸甚。宣帝善其言。詔置廷尉平四人。每季秋後請讞。時帝常幸宣室齋居而決事。刑獄號為平矣。煩數之數。所各切。夫音扶。復數。又切。毗。至切。樂音洛。勝平。聲。鍛。都。玩。切。內。納。同。亡。極。之。亡。無。同。媮。偷。同。塞。悉。則。切。廷。尉。平。之。平。去。聲。讞。語。蹇。切。

劉向曰教化所恃以為治也。刑法所以助治也。今廢所

恃而獨立其所助。非所以致太平也。並通鑑綱目

陳寵曰斷獄嚴明所以威懲姦慝。姦慝既平必宜濟之

以寬斷都玩切 慝惕德切

劉愷曰善善及子孫惡惡止其身所以進人人於善也

愷可亥切惡惡上去聲下如字

習鑿齒曰水至平而邪者取法鑑至明而醜者忘怒以其無私也况大人君子懷柔生之心流矜恕之德法行於不可不用刑加乎自犯之罪爵之而非私誅之而不怒天下其有不服者乎

王肅曰人命至重難生易殺是以聖王重之易以致切 魏主觀

性嚴急有犯法者輒親召問之言猶在口身首已分散騎常侍王肅諫曰陛下臨時所刑皆有罪之吏也然衆庶不知謂為倉卒願下之吏暴其罪而誅之無使汚宮掖為遠近所疑又曰人命至重難生易殺是

以聖王重之惟陛下察臣之言務從寬恕使刑罰當罪無過於慘虐則天下幸甚

上聲騎去聲平倉沃切暴步木切當去聲

後趙游子遠曰聖王用刑惟誅元惡不惟多殺並通鑑

唐太宗曰死者不可復生用法務在寬簡復數又切 宗嘗謂侍臣曰

朕以死刑至重故令三覆蓋欲思之詳熟也而有司須臾之間三覆已訖又斷獄者唯據律文雖情在可矜而不敢違法其間豈能盡無冤乎行刑之日皆命門下覆視有據法當死而情可矜者錄狀以聞由是全活者甚衆 太宗又嘗與侍臣論獄魏徵曰場帝時嘗有盜發捕得拷記服罪者二千餘人悉令斬之大理丞張元濟尋其狀唯五人嘗為盜餘皆平民竟不敢執奏上曰此豈惟場帝無道其臣亦不盡忠君臣如此何得不亡公等宜戒之

通鑑綱目 今平聲 斷都玩切

長孫無忌曰懲其未犯而防其未然平其微繆而存乎

博愛。長上聲。微音。輝。繆音墨。○微。繆。皆索名。三股曰。繆。而心則主於博愛之仁也。唐律疏議。

戴胄曰：法者所以布大信於天下也。

太宗嘗以選人多詐，冒資蔭，敕令不

育者死。未幾有事，覺者欲殺之。大理少卿戴胄奏：「據法應流。」上怒曰：「卿欲守法而使朕失信乎？」對曰：「敕者出於一時之喜怒，法者國家所以布大信於天下也。陛下忿選人之多詐而欲殺之，既而知其不可，覆斷之以法，此乃忍小忿而存大信也。」太宗曰：「卿能執法，朕復何憂？」通鑑綱目○選去聲。今平聲。首去聲。幾音

機少去聲。復數。又切。斷郡玩切。

宋歐陽脩曰：夫所以致刑之錯，獄之平，其要非他在削苛

刻之深文，執議論之平讞，無罹民之不遠，無縱誅以

快怒，使愚民知所避，姦吏無所弄，則獄雖不赦，刑將

自平。夫音扶。錯倉故切。讞語塞切。

刑者聖人之所以愛民之具也。其禁暴止殺之意必

本乎至仁。

國家致治之難，惟刑是恤，使民無犯，執法必平。並文集

周子曰：主刑者民之司命，任用可不慎乎。通書

司馬光曰：法制之設，貴於簡要而失在煩苛。文集

胡寅曰：罪人不可不誅，赦令不可不守，二者將何處必

於未赦之前，揆情法，審輕重而區別之，使預赦者無

可誅之罪，被刑者無可恕之人，則一舉而兩得矣。處上

聲別必列切

蘇軾曰古者公族有罪三宥然後寘刑。

夫以法毒天下者未有不反中其身及其子孫也。文並

集○夫音扶中去聲

朱子曰三代得天下以仁莫不有憐怛之愛忠利之教

所以不免入於刑者亦好仁惡不仁耳。文集○憐七感切怛當割

切好惡並去聲

張敬夫曰治獄所以多不得其平者盖有數說吏與利為市固所不論而或矜知巧以為聰明持姑息以惠姦慝上則視大官之趨向而重輕其手下則惑胥吏之浮言而二三其心不盡其情而一以威怵之不原

其初而一以法繩之如是而不得其平者多矣可不

慎哉。心學○知去聲慝惕德切怵尺律切

心學曰人君制刑所以奉天討也輕重取舍各有攸當乃不易之定理而欽恤之意每行乎其間無非體天地好生之德也五刑之用豈濫虐以逞哉刑期無刑而已。舍音捨當好並去聲

嘗觀三代以下用法之苛酷者莫如秦隋秦用李斯趙高之謀以塗炭其生民凡偶語詩書者棄市以古非今者族刑者相半於道而死人日積於市隋文帝晚節用法益峻大臣勲舊莫能自全凡盜

一錢一瓜者皆死。於是天下愁怨，民不保生。故秦之二世，隋之煬帝，皆不旋踵而身亡國滅。誠由刑殺大過而致天人之所共怒也。漢高寬仁大度，孝文繼以清靜恭儉，而幾致刑措。唐太宗明刑慎罰，死囚必至三覆。宋太祖崇忠厚之治，子育元元，逮及子孫，卒無刻薄之風。是數明君者，世祚延永，治道可稱於後世。以其皆本於仁厚寬平而致然也。嗚呼！刑者期于無刑而已，非欲藉是而逞威也。逞威則不免於淫濫矣。有天下者，可不崇前聖欽恤之意，而以秦隋為鑒乎。

幾音機

理財

書禹貢曰：六府孔修，庶土交正。底慎財賦，咸則三壤，成賦

中邦。

六府：水、火、金、木、土、穀也。孔：大也。言六府皆大修也。庶：土有等，當以肥瘠高下名物交相正焉。以任土事。底：至也。因庶土所出之財，而致謹其財賦之入。如

周大司徒以土宜之法，辨十有二土之名物，以任土事之類。咸，皆也。則，品節之也。九州：穀土。又皆品節之以上。中、下三等。如周大司徒辨十有二壤之名物，以致稼穡之類。中邦：中國也。蓋土賦或及於四夷。而田賦則止於中國而已。故曰成賦中邦。

夏書○瘠前力切

禮記王制曰：三年耕必有一年之食，九年耕必有三年之

食，以三十年之通。雖有凶旱水溢，民無菜色。然後天

子食日舉以樂。

菜色：食菜之色。民無食菜之飢色。天子乃日舉樂以食。

周禮大府掌九貢九賦九功之貳。以受其貨賄之入。頒其貨于受歲之府。頒其賄于受用之府。賄呼罪切。凡貨賄皆歲以給用耳。良者以給王之用。其餘以給國之用。

凡萬民之貢以充府庫。凡式貢之餘財以供玩好之用。凡邦國之賦用取具焉。歲終則以貨賄之入出會

之。此供平聲。好去聲。會古外切。○萬民之貢以充府庫者。蓋玩好非急務。不可費府庫之財。惟此九式有餘。乃可以供玩好也。會計也。餘財足供玩好。則邦之賦用莫不取具焉。故一歲之終。則以其出入之數而計之矣。並天官

大司徒頒職事十有二于邦國都鄙。使以登萬民。一曰稼穡。二曰樹藝。三曰作材。四曰阜蕃。五曰飭材。六

曰通材。七曰化材。八曰斂材。九曰生材。十曰學藝。十

有一曰世事。十有二曰服事。斂去聲。○稼穡。謂三農育草木作材。謂虞衡作山澤之材。阜蕃。謂藪牧養蕃鳥獸。飭材。謂百工飭化八材。通材。謂商賈阜通貨賄。化材。謂嬪婦治絲枲。斂材。謂臣妾聚斂疏財。生財。謂闕民無常職。轉移執事。學藝。謂學道藝。世事。謂以世事教能。則民不失職。服事。謂為公家服事者。地官。○藪。蘇后切。貢音古。嬪毗。賓切。枲。想里切。

大學曰。生財有大道。生之者衆。食之者寡。為之者疾。用之

者舒。則財恒足矣。國無遊民。則生者衆矣。朝無幸倍。則食者寡矣。不奪農時。則為之疾矣。量入為出。則用之舒矣。此言足國之道。在乎務本而節用也。傳十章。○朝音潮。

荀子曰。足國之道。節用裕民而善藏其餘。裕。優饒也。言富

過度。則人得優饒也。善藏其餘。謂雖有餘。不耗損而藏之也。

上得天時下得地利中得人和則貨財渾渾如泉源

汙汙如河海暴暴如丘山渾戶本切汙讀如滂暴步木切○渾渾水流貌言不

絕也。汙汙水之多也。暴暴卒起之貌。言得天時地利。物多委積。高大如丘山也。並富國篇。○卒倉淡切。

春耕夏耘秋收冬藏四者不失時故五穀不絕而百

姓有餘食也汙池淵沼川澤謹其時禁故魚鼈優多

而百姓有餘用也斬伐養長不失其時故山林不童

而百姓有餘材也汙汪胡切鼈必列切長上聲○用謂食足之外。可用貨易也。山無草

曰童。王制篇。

漢賈誼曰。歐民而歸之農。皆著於本。使天下各食其力。末

技游食之民。轉而緣南畝。則蓄積多而人樂其所矣。

歐驅同著直畧切樂音洛

谷永曰。王者以民為基。民以財為本。財竭則下畔。下畔

則上亡。是以明王愛養基本。不敢窮極。並通鑑綱目

唐太宗曰。勸穡務農。則飢寒之患塞。遺奢禁麗。則豐厚之

利興。塞悉則切

以一人耕而百人食。其為害也。甚於秋螟。莫若禁絕

浮華。勸課耕織。使人還其本。俗反其真。則競懷仁義

之心。永絕貪殘之路。此務農之本也。並帝範螟音冥

陸贄曰。所費者財用。所收者民心。苟不失人。何憂乏用。

通鑑綱目費音廢

地力之生物有大數。人力之成物有大限。取之有度。用之有節。則常足。取之無度。用之無節。則常不足。

民者邦之本。財者民之心。其心傷。則其本傷。其本傷。

則枝幹凋瘵。而根抵蹙拔矣。並奏議○瘵秦醉切
抵典禮切蹙居月切

宋陳堯佐曰。利有本末。下有餘。則上足。言行錄

歐陽脩曰。古之為政者。上下相移。用以濟。下之用力者。甚勤。上之用物者。有節。民無遺力。國不過費。上愛其下。下給其上。使不相困。

古者冢宰制國用。量入以為出。一歲之物。三分之一以給公上。一以給民食。一以備凶荒。並文集

司馬光曰。善治財者。養其所自來。而收其所有餘。故用之不竭。而上下交足也。夫農工商者。財之所自來也。

農盡力。則田善收。而穀有餘矣。工盡巧。則器斯堅。而

用有餘矣。商賈流通。則有無交。而貨有餘矣。文集○夫音扶

賈音古

曾鞏曰。天下之費。有約於舊。而浮於今者。有約於今。而浮於舊者。其浮者。必求其所以浮之由。而杜之。其約者。

必本其所以約之由。而從之。則歲有餘財矣。文集○費音廢

范祖禹曰。夫利。百物之所生。而天地之所以養人也。專之必壅。壅則所害者多。故君子不盡利。以遺民。所以

均天地之所施也。聖王寧損己以益人，不損人以益己。通鑑綱目○夫音扶壘委勇切遺施並去聲

節儉

易曰：天地節而四時成，節以制度，不傷財，不害民。天地有節，故能

成四時。無節則失序也。聖人立制度以為節，故能不傷財害民。人欲之無窮也。苟非節以制度，則必至於傷財害民矣。節，彖傳。

書舜曰：克儉于家。克儉謂薄於私養也。大禹謨○養去聲

伊尹曰：慎乃儉德，惟懷永圖。言當謹儉約之德。惟懷永久之謀。商書太甲上。

春秋左氏傳魯御孫曰：儉德之共也，侈惡之大也。共與恭同○此

言儉者，上下共行之德。奢侈莫大之惡也。莊公二十四年。

論語子曰：奢則不孫，儉則固，與其不孫也，寧固。孫音遜○固陋也。奢儉俱失中。而奢之害大。述而篇。

陋也。奢儉俱失中。而奢之害大。述而篇。

禹吾無間然矣，菲飲食而致孝乎鬼神，惡衣服而致

美乎黻冕，卑宮室而盡力乎溝洫，禹吾無間然矣。去間

聲菲音匪黻音弗洫呼域切○間。罅隙也。謂指其罅隙而非議之也。菲薄也。致孝鬼神。謂享祀豐潔。衣服常服。黻。蔽膝也。以韋為之。冕。冠也。皆祭服也。溝洫。田間水道。以正疆界。備早潦者也。或豐或儉。各適其宜。所以無罅隙之可議也。故再言以深美之。泰伯篇○罅虛訝切潦音老

說苑太公曰：後宮不荒，女謁不聽，上不媢，下不陰，害不

幸宮室以費財，不多游觀臺池以罷民，不雕文刻鏤

以逞耳目，官無腐蠹之歲，國無飢餓之民，此賢君之

治國也。政理篇。同雕丁聊切。鏤郎豆切。蠹都故切。瘕。

孫夏曰：古之君子以儉為禮。友質不篇。

劉向曰：無以所好害民，無以嗜慾妨生，無以奢侈為名。

無以富貴驕盈。業談篇。好去聲。

漢賈誼曰：一夫不耕，或受之飢；一女不織，或受之寒。生之

者，有時而用之者，無度則物力必屈。綱目。通鑑。

司馬遷曰：治國之道，富民為始，富民之要在於節儉。史記。

馬融曰：古之足民者，非能家贍而人足之量，其財用為

之制度，故嫁娶之禮儉則婚者以時矣，喪制之禮約

則終者掩藏矣。綱目。通鑑。

郎顛曰：救奢必以儉約，拯薄無若敦厚。後漢書。拯之等切。

蜀楊阜曰：堯尚茅茨，而萬國安其居；禹卑宮室，而天下樂

其業。通鑑綱目。樂音洛。

魏王朗曰：約其身以及家，儉其家以施國。魏志。施去聲。

衛覬曰：武帝之時，後宮食不過一肉，衣不用錦繡茵褥

不緣飾，器物無用漆，用能平定天下，遺福子孫。緣道並去聲。

晉傅咸曰：古者人稠地狹，而有儲畜，由於節也。今土廣人

稀而患不足，由於奢也。欲時人崇儉，當詰其奢，奢不

見詰，轉相高尚，無有窮極矣。並通鑑綱目。轉上聲。

唐太宗曰夫聖世之君存乎節儉富貴廣大守之以約睿
智聰明守之以愚不以身尊而驕人不以德厚而矜
物茅茨不剪采椽不斷舟車不飾衣服無文土階不
崇大羹不和非憎榮而惡味乃處薄而行儉故風淳
俗朴比屋可封帝範○夫音扶椽重圓切
惡去聲處上聲比去聲

宣宗曰吾欲以儉約化天下當自親者始通鑑
綱目

柳宗元曰夫儉則人用足而不濫文集○
夫音扶

後唐李琪曰古者量入以為出計農而發兵故雖有水旱
之災而無匱乏之憂通鑑
綱目

宋韓琦曰自古勤儉以勸天下必以身先之今欲減省浮

費莫如自宮掖始言行錄
費音廢

范純仁曰唯儉可以助廉明善
錄

歐陽脩曰一日之用節之必量其所入文集

司馬光曰當克己節用以趨民之急

聖人以道德為麗仁義為樂故雖茅茨土階惡衣菲

食不恥其陋並通鑑綱目
樂音洛

儉則寡欲君子寡欲則不役於物

凡撙節用度則宜以在上為始今欲裁損諸費不先

於貴者近者則踈遠之人安肯甘心而無怨乎撙祖
本切

一盂之飯一尺之帛莫不出於艱難人主既知之則

不肯用之於無益散之於無功。驕侈之心無自而生矣。並文。集。

曾鞏曰：用之有節，則天下雖貧，其富易致也。易以。鼓切。

蘇軾曰：廣取以給用，不如節用以廉取之為易也。並文。集。

易以。鼓切。

張燾曰：躬行節儉，民自富足。言行錄。

胡寅曰：上好儉而民財豐，節力役而民力裕。通鑑綱目。好去聲。

真德秀曰：儉則心小，而為慮者遠；侈則心大，而為謀者

踈。大學。行義。

馭夷狄

詩曰：王命南仲，往城于方。出車彭彭，旂旐央央。天子命我

城彼朔方。赫赫南仲，玁狁于襄。玁，虛檢切。狁，羽敏切。王，周王也。南仲，周

之大將也。方，朔方，靈夏等州之地也。彭彭，衆盛貌。交龍為旂，此所謂左青龍也。央央，鮮明也。赫赫，威名光顯。襄，除也。命大將城朔方而邊患除，蓋禦戎狄之道。守備為本，不以攻伐為先也。小雅出車篇。將去聲。

戎車既安，如輕如軒。四牡既佶，既佶且閑。薄伐玁狁，

至于大原。文武吉甫，萬邦為憲。輕，竹二切。佶，其乙切。大音泰。輕，車之覆

而前也。軒，車之却而後也。凡車從後視之如輕。從前視之如軒。然後適調也。佶，壯健貌。至于太原，言逐出之而已。不窮追也。吉甫，大將尹吉甫也。憲，法也。小雅六月篇。將去聲。

春秋：楚子使椒來聘。胡安國曰：春秋立法謹嚴而宅心忠

正君臣之義，恕以宅心，故內雖不與中國同，外亦不使與夷狄等。思善悔過，向慕中國，則進之而不拒。此

慎用刑。重絕人之意也。文公九年

漢魯恭曰。戎狄者。四方之異氣也。與鳥獸無別。是以聖王

之制。羈縻不絕而已。列必切

晉江統曰。四夷之中。戎狄為甚。弱則畏服。彊則侵叛。是以

有道之君。待之有備。禦之有常。雖稽顙執贄。而邊城

不弛固守。疆暴為寇。而兵甲不加遠征。期令境內獲

安。疆場不侵而已。並通鑑綱目。平聲。場。夷。益切。

唐陸贄曰。擇將吏以撫寧眾庶。修紀律以訓齊師徒。耀德

以佐威。能邇以柔遠。禁侵掠之暴。以彰吾信。抑攻取

之議。以安戎心。彼求和則善待之。而勿與結盟。彼為

寇則嚴備之。而不務報復。此當今之所易也。將去聲。易以鼓切。

賤力而貴智。惡殺而好生。輕利而重人。忍小以全大。

安其居而後動。俟其時而後行。是以修封疆。守要害。

塹蹊。隧壘。軍營。謹禁防。明斥堠。務農以足食。練卒以

蓄威。非萬全不謀。非百刻不闕。並奏議。好並去聲。惡。

宋歐陽脩曰。先王肇分九州。制定五服。必內諸侯。而外四

夷。姑務息民。弗勤遠略。其來也。調戍兵以禦之。其去

也。備戰具以守之。修利隄防。申嚴斥堠。或來獻貢。得

以羈縻。蓋聖人制禦戎之常道。在乎謹邊防。守要害

而已。文集。調去聲。

司馬光曰王者臨御四夷當叛則威之服則懷之使信義之明皎如日月錄傳家

蠻夷戎狄氣類雖殊其就利避害樂生惡死亦與人同耳御之得其道則附順服從失其道則離叛侵擾固其宜也是以先王之政叛則討之服則懷之綱目通鑑

○樂音洛
惡去聲

范祖禹曰柔遠能邇治內安外而殊俗之民向風慕義

不以利誘不以威脅而自至矣脅虛業切

先王內修政事外攘夷狄其為之有本末圖之有先後是以無欲速輕舉之悔也並通鑑綱目

蘇軾曰薄其禮而致其情不責其去而厚其來是待夷狄之仁也

夷狄不可以中國之治治也譬若禽獸然求其大治必至於大亂先王知其然是故以不治治之治之以不治者乃所以深治之也並文集

朱子曰古先聖王所以制禦夷狄之道其本不在乎威彊而在乎德業其任不在乎邊境而在乎朝廷其具不在乎兵食而在乎紀綱文集朝音潮

真德秀曰古者帝王能使四夷咸賓者其誠敬有以感之也大學行義

征伐

易曰師衆也。貞正也。能以衆正。可以王矣。王于况切。能以衆正。則王者

之師矣。師彖傳

師出以律。否臧凶。否音鄙。律。法也。否臧。不善也。出師之道。以律則吉。不臧則凶。當謹

始而守法也。師文辭

六五。不富以其鄰。利用侵伐。無不利。象曰。利用侵伐。

征不服也。謂以柔居尊。謙而得衆。猶有未服。則利以征之。

上六。鳴謙。利用行師。謂謙極有聞。人之所與。故可用行師。並謙文象。

書禹誓師曰。濟濟有衆。咸聽朕命。蠢茲有苗。昏迷不恭。侮慢自賢。反道敗德。君子在野。小人在位。民棄不保。天

降之咎。肆予以爾衆士。奉辭伐罪。爾尚一乃心力。其

克有勳。濟子禮切。蠢。尺尹切。濟。濟和。整衆盛之貌。蠢動也。蠢蠢然無知之貌。昏闇迷惑。不恭者

不敬也。言苗民昏迷不敬。侮慢於人。妄自尊大。反戾正道。民怨天怒。故我以爾衆士奉帝之辭。罰苗之罪。爾衆士庶幾同心同力。乃能有功。虞書大禹謨。幾音機。

甘誓曰。有扈氏威侮五行。怠棄三正。天用勦絕其命。今

予惟恭行天之罰。勦子少切。威。暴殄之也。侮。輕忽之也。三正。天地人之正道。怠。惰。棄。

厭。言亂常也。有扈氏暴殄天物。輕忽不敬。虐下背上。獲罪于天。天用勦絕其命。今我伐之。惟敬行天之罰而已。夏書。珍。徒典切。背音佩。

胤侯曰。今予以爾有衆。奉將天罰。爾衆士同力。王室尚

弼。予欽承天子威命。火炎昆岡。玉石俱焚。天吏逸德。

烈于猛火。殲厥渠魁。脅從罔治。舊染汙俗。咸與惟新。

胤羊進切。殲將廡切。脅虛業切。汙汪胡切。○將行也。我以爾眾士奉行天罰。爾其同力王室。庶幾輔我以

敬承天子之威命也。崑出玉山名。罔山脊也。逸過。渠大也。言火炎崑罔。不辨玉石之美惡而焚之。焉為天

吏而有過。逸之德。不擇人之善惡而戮之。其害有甚於猛火。不辨玉石也。今我但誅首惡之魁而已。脅從

之黨。則罔治之。舊染汙俗之人。亦皆赦而新之。夏書胤征。○幾音機。

仲虺之誥曰。乃葛伯仇餉。初征自葛。東征西夷怨。南征

北狄怨。曰。奚獨後予。攸徂之民。室家相慶。曰。徯予后

后来其蘇。虺許偉切。餉式亮切。徯戶禮切。○葛國名。伯爵也。餉饋也。仇餉與餉者為仇也。葛伯

不祀。湯使問之。曰。無以供粢盛也。湯使亳眾往耕。老弱饋餉。葛伯殺其童子。湯遂征之。湯征自葛始也。奚

何。徯待也。蘇復生也。西夷北狄。言遠者如此。則近者可知。湯師之未加者。則怨望其來。曰。何獨後予。其所

往伐者。則妻孥相慶。曰。待我后父矣。后来我其復生乎。商書。○菜音咨。盛時征切。復扶又切。

詩曰。比物四驪。閑之維則。維此六月。既成我服。我服既成。

于三十里。王于出征。以佐天子。比毗至切。○比物齊其力也。則法也。服戎

服也。三十里。一舍也。古者師行日三十里。而即日引道。盡舍而止。言其應變之速。從事之敏。而又不失其

常度也。王命於此而出征。欲其有以敵王所愾。而佐天子云耳。應去聲。愾苦愛切。

四牡脩廣。其大有顛。薄伐獫狁。以奏膚公。有嚴有翼。

共武之服。共武之服。以定王國。顛玉容切。獫狁檢切。狁羽敏切。共平聲。

脩長。廣大也。顛大貌。奏薦膚大。公功。嚴威。翼敬也。共與供同。服事也。言將帥皆嚴敬。以恭武事也。並六月

去聲。○將

王赫斯怒。爰整其旅。以按徂旅。以篤于周祜。以對于

天下。按音遏。枯侯五切。其族周師也。按遏也。祖族也。密師之往共者也。篤厚。祐福也。對答也。此言文王伐密之始也。共平聲。

臨衝弗弗。宗墉屹屹。是肆是伐。是絕是忽。四方以無

拂。弗音弗。屹魚乞切。弗弗。強盛貌。屹屹。堅壯貌。肆。縱兵也。忽。滅也。拂。戾也。言文王滅崇而四方無不服也。並大雅皇矣篇。

江漢湯湯。武夫洸洸。經營四方。告成于王。四方既平。

王國庶定。時靡有爭。王心載寧。湯書羊切。洸音光。洸洸。武貌。庶。幸也。

江漢之潏。王命召虎。式辟四方。徹我疆土。匪疚匪棘。

王國來極。于疆于理。至于南海。潏音虎。辟。毗亦切。與闢同。徹。井其田也。疚。病。棘。急也。極中之表也。居中而為四方所取正也。並江漢篇。

赫赫明明。王命卿士。南仲大祖。大師皇父。整我六師。

以脩我戎。既敬既戒。惠此南國。大音泰。父上聲。卿士。即皇父之官也。南仲。周之大將也。大祖。始祖也。大師。皇父之兼官也。將去聲。

赫赫業業。有嚴天子。王舒保作。匪紹匪遊。徐方繹騷。

震驚徐方。如雷如霆。徐方震驚。赫赫。顯也。業業。大也。嚴。威也。舒。徐。保。安。作。行也。紹。糾緊也。遊。遨遊也。繹。連絡也。騷。擾動也。言天子自將。不疾不徐。而徐方之人。皆已震動而畏其威也。將去聲。

王猶允塞。徐方既來。徐方既同。天子之功。四方既平。

徐方來庭。徐方不回。王曰還歸。塞。悉則切。還音旋。猶。道。允。信。塞。實。庭。朝。

回。達。還歸。班師而歸也。並大雅常武篇。朝音潮。

大雅常武篇。朝音潮。

大雅常武篇。朝音潮。

大雅常武篇。朝音潮。

大雅常武篇。朝音潮。

大雅常武篇。朝音潮。

大雅常武篇。朝音潮。

桓桓于征。狄彼東南。烝烝皇皇。不吳不揚。不告于訥。

在泮獻功。吳音話訥音凶。狄猶邊也。東南謂淮夷也。烝烝皇皇盛也。不吳不揚。肅也。不告于

訥者。師旅和而不爭。泮泮宮也。蓋釋奠于學而告成功也。魯頌閟宮篇

春秋左氏傳晉士會曰。叛而伐之。服而舍之。德刑成矣。舍音

捨○伐之。所以成刑。舍之。所以成德。宣公十二年

周禮大司馬以九伐之法正邦國。馮弱犯寡則眚之。賊賢

害民則伐之。暴內陵外則壇之。野荒民散則削之。負

固不服則侵之。賊殺其親則正之。放弑其君則殘之。

犯令陵政則杜之。外內亂鳥獸行則滅之。馮音憑。景切。行

胡孟切。古者諸侯有違王命。大司馬出兵以征伐之。所以正之也。馮猶乘陵也。言在小而侵侮之。音猶

人音瘦也。謂音瘦其地。削之使不得強大也。賊賢害民者。使兵入其境。鳴鐘鼓以聲其罪也。暴內。即上云賊賢害民是也。陵外。即馮弱犯寡是也。內外之惡。兼有。故壇之。壇。讀如同壇之壇。謂置之空壇。奪其位而立其次賢者。荒蕪也。因不治。民不附。則削之。負固。謂倚險恃固。不服。不事大國也。則以兵侵之。正。殺之也。若殺其親。其罪尤重。故殺之也。放。逐也。殘。殺也。殘滅其為惡者。犯令者。違命也。陵政者。輕政法不循也。杜之者。杜塞使不得與鄰國交通。若悖人倫。外內無以異於禽獸。不可親百姓。則誅滅而去之也。夏官○壇

音善塞悉則切去上聲

論語子曰。善人教民七年。亦可以即戎矣。教民者。教之孝弟忠信之行。務

農講武之法。即就也。戎。兵也。民知親其上。死其長。故可以即戎。行胡孟切。長上聲

以不教民戰。是謂棄之。以。用也。言用不教之民以戰。必有敗亡之禍。是謂棄其民

也。並子路篇

孟子曰。征者上伐下也。征。所以正人也。諸侯有罪。則天子討而正之。

征之為言正也。各欲正己也。焉用戰。焉。於。虞。切。○民為暴虐所害。皆

欲仁者來正己之國也。並盡心下。

荀子曰。凡用兵攻戰之本。在乎一民。弓矢不調。則羿不能

以中。六馬不和。則造父不能以致遠。士民不親附。則

湯武不能以必勝。故善附民者。是乃善用兵也。故兵

要在乎附民而已。中。去聲。父。上聲。

兵者。所以禁暴除害也。非爭奪也。故仁人之兵。所存

者神。所過者化。若時雨之降。莫不喜說。說音悅。

仁義之兵。行於天下也。故近者親其善。遠方慕其德。

兵不血刃。遠邇來服。德成於此。施及四極。並議兵篇。施音異。

說苑曰。兵不可玩。玩則無威。兵不可廢。廢則召寇。

聖人之治天下也。先文德而後武功。凡武之興。為不

服也。文化不改。然後加誅。並指武篇。為去聲。

晉文公曰。能以戰勝而安者。其唯聖人乎。君道篇。

漢沮授曰。夫救亂誅暴。謂之義兵。恃眾憑強。謂之驕兵。義

者無敵。驕者先滅。扶夫音。

趙充國曰。帝王之兵。以全取勝。是以貴其謀而賤戰。

馮奉世曰。善用兵者。役不再興。糧不三載。故師不久暴

而天誅亟決。暴步木切。

蜀諸葛亮曰。統武行師。以大信為本。蜀志

魏賈詡曰。用兵之道。先勝後戰。量敵論將。故舉無遺策。並通

鑑綱目
將去聲

陳琳曰。王者之師。有征無戰。文選

隋書曰。造化之有肅殺。義在無私。帝王之用干戈。蓋非獲

已。本紀

唐太宗曰。夫兵甲者。國之凶器也。土地雖廣。好戰則人凋。

邦國雖安。亟戰則人殆。帝範。夫音扶。好亟並去聲。

宋宋祁曰。用兵者不幸敵之亂。而欲己之不可亂。不畏彼

之侵。而患所以來其侵也。名臣經。濟奏議。

歐陽脩曰。外料敵之謀。內察國之勢。知彼知此。因謀制

敵。此朝廷之計也。所謂廟筭而勝者也。朝音潮。

至治之時。常不忘於武備。用兵之要在先擇於將臣。

將去聲

夫用兵難事也。故謀既審矣。則其發也果。故能動而

有成功也。並文集。夫音扶。

蘇洵曰。凡兵上義。不義雖利。勿動。文集。

蘇軾曰。善用兵者。先服其心。次屈其力。則兵易解而功

易成。易以。鼓切。

凡戰之道。未戰養其財。將戰養其力。未戰養其氣。既

戰養其心。

聖人之兵出於不得已。故其勝也。享安全之福。

凡舉大事。必順天心。天之所向。以之舉事。必成。

王者之兵。要在於使之知愛其上。而讐其敵。使之知

上之所以驅之於戰者。凡皆以為我也。是以樂其戰

而甘其死。並文集○為
去聲樂音洛

龐籍曰。古帝王以恩威馭將帥於內。將帥以賞罰馭士

卒於外。故軍政行而大功集。名臣經濟奏
議○將去聲

史浩曰。帝王之兵。當出萬全。宋史

趙順孫曰。征伐之道。當順民心。民心悅。則天意得。孟子
纂疏

父道

易曰。家人有嚴君焉。父母之謂也。家人之道。必有所尊嚴
而君長者。謂父母也。雖

一家之小。無尊嚴則孝敬衰。無君長者。謂法度廢。有嚴
君而後家道正。家者國之則也。家人象傳○長上聲

禮記內則曰。凡生子。擇於諸母。與可者。必求其寬裕慈惠。

溫良恭敬慎而寡言者。使為子師。諸母。衆妻也。於諸
母之中。擇其有是

德者。使為子師。而教以善道。
父母養子之禮。莫先於此。

文王世子曰。知為子。然後可以為人父。知盡孝於己。必
能慈以撫衆。故

可為人
之父也。

凡三王教世子。必以禮樂。樂所以脩內也。禮所以脩

外也。禮樂交錯于中。發形於外。是故其成也。懌恭敬而温文。立大傅少傅以養之。欲其知父子君臣之道也。大傅審父子君臣之道以示之。少傅奉世子以觀大傅之德行而審喻之。大傅在前。少傅在後。入則有保。出則有師。是以教喻而德成也。懌夷益切。大音泰。少去聲。行胡孟切。

○教世子莫大於禮樂也。樂以消融其邪慝而達于外。禮以陶成其肅恭而達于中。是以內外交錯。有諸中必形諸外。其成也。懌懌而有恭敬之實德。温文之氣象矣。養猶教也。言養者。積浸成長之謂。故立大傅少傅之官以教喻之。而成其德也。示之者。謂為之行其禮。審喻者。謂為之說其義。在學時。則有大傅少傅以導之。燕居時。則有師保以輔之。故教喻而德成矣。○漢賈誼曰。古之王者。太子乃生。固舉以禮。有司齊肅端冕。見之南郊。過闕則下。過廟則趨。故自為赤子而教固以行矣。孩提有識。三公三少。明孝仁禮義以

道習之。遂去邪人。不使見惡行。選天下之端士有道術者。使與居處。故太子乃生而見正事。聞正言。行正道。左右前後皆正人也。夫習與正人居。不能無正。猶生長於齊。不能不齊言也。習與不正人居。不能無不正。猶生於楚。不能不楚言也。孔子曰。少成若天性。習如自然。習與智長。故幼而不媿。化與心成。故中道若性。夫三代之所以長久者。以其輔翼太子有此具也。○宋真德秀曰。三王之教世子。必以禮樂者。禮所以起人之敬心。敬心生則慢心窒矣。樂所以感人之和心。和心生則戾心消矣。其薰陶德性。變化氣質。莫妙於此者。然樂雖備內。由內以達外。禮雖備外。由外而入內。二者醞釀涵暢。相與無間。故其成也。但見其悅懌而已。恭敬温文而已。愚揚德切。長上聲。齊側皆切。見之。見形。甸切。處上聲。夫音扶。長久之。長如字。室職日切。醞許云。切。釀。奴宗切。問去聲。

春秋左氏傳衛石碻曰。愛子教以義。衣弗納於邪。碻七雀切。○義

以方外。教以方外之義。使勿入於邪僻。此愛子之道也。隱公三年

孟子曰。古者易子而教之。易子而教。所以全父子之恩。而不失其為教也。離婁篇

說苑曰。賢父之於子。慈惠以生之。教誨以成之。通鑑綱目云。唐太宗

自立太子。遇物則誨之。見其飯。則曰。汝知稼穡之難。則常有斯飯矣。見其乘馬。則曰。汝知其勞而不竭。其力。則常得乘之矣。見其乘舟。則曰。水所以載舟。亦所以覆舟。民猶水也。君猶舟也。見其息於木下。則曰。木從繩則正。后從諫則聖。此所謂教誨之者矣。飯。飯上聲。

子年七歲以上。父為之擇明師。選良友。勿使見惡少。

漸之以善。使之早化。並建本篇。○為少。並去聲。漸。將廉切。

父母正。則子孫孝慈。叢談

唐進曰。為人父。三年不問子。不可謂慈。奉使篇

隋顏之推曰。父子之嚴。不可以狎。骨肉之愛。不可以簡。簡

則慈。孝不接。狎則怠。慢生焉。

父母威嚴而有慈。則子女畏慎而生孝。並戒子通錄

宋程子曰。善養子者。當其嬰孩。鞠之。使得所養。全其和氣

乃至長而性美。程氏遺書。長上聲。

古人生子。能食能言。而教之。小學之法。以豫為先。人

之幼也。知思有所未至。便當以格言。至論。日陳于前。

雖未曉。知且當薰聒。使盈耳充腹。久自安習。若固有

之。雖以他言惑之。不能入也。近思錄

父子之間。大率以情勝禮。以恩奪義。惟剛立之人。能

不以私愛失其正理。性理羣書

張敬夫曰。為人父者當脩身以率其子弟。身脩則將有不言而威。不令而從者矣。近思別錄

胡宏曰。父子有法然後人道久。胡子知言

程頤曰。人生至樂無如讀書。至要無如教子。樂音洛

父子之間不可溺於小慈。自小律之以威。繩之以禮。

則長無不肖之悔。長上聲

教子有五。導其性。廣其志。養其材。鼓其氣。攻其病。廢

一不可。

養子弟如養芝蘭。既積學以培植之。又積善以滋潤

之。並戒子通錄

黃光大曰。為父而不能盡為父之道。則家無忠孝之子。

積善錄

子道

詩曰。父兮生我。母兮鞠我。拊我畜我。長我育我。顧我復我。

出入腹我。欲報之德。昊天罔極。拊。斐古切。畜。許六切。長。上聲。○生者。本其

氣也。鞠。畜皆養也。拊。拊循也。育。覆育也。顧。旋視也。復。反覆也。腹。懷抱也。罔。無極窮也。言父母之恩如此。欲

報之德。而其恩之大。如天無窮。不知所以為報也。小雅蓼莪篇。○覆。敷又切。下如字。

夙興夜寐。無忝爾所生。忝。辱也。言夙興夜寐。各求無辱於父母。小雅小宛篇。

惟桑與梓。必恭敬止。靡瞻匪父。靡依匪母。桑梓。二本。古者五畝。

之宅。樹之墻下。以遺子孫。給蠶食。具器用者也。瞻者尊而仰之。依者親而依之也。言桑梓父母所植尚且必加恭敬。况父母至尊至親。宜莫不瞻仰也。小雅小弁篇。○遺去聲。蠶。祖舍切。

成王之孚。下土之式。永言孝思。孝思維則。式。則。皆法能成王者之信。而為四方之法者。以其長言孝思而不忘。是以其孝可為法耳。

媚茲一人。應侯順德。永言孝思。昭哉嗣服。應。去聲。媚。愛也。○

人。謂武王。應。如丕。應。後志之應。侯。維。服。事也。言天下皆愛戴武王以為天子而所以應之。維以順德。是武王能長言孝思而明哉其嗣先王之

事也。並大雅下武篇。○僕。戶禮切。

威儀孔時。君子有孝子。孝子不匱。永錫爾類。匱。具位切。○孝子。主人之嗣子也。匱。竭。類。善也。此父兄各行輩之詩而述尸告之辭。言祭祀之威儀既得其宜。又有孝子以舉奠。孝子之孝誠不竭則宜永錫爾類以善矣。大雅既解篇。

禮記曲禮曰。凡為人子者。冬溫而夏凊。昏定而晨省。省。悉井切。

○定。安其床。衽也。省。問其安否。何如也。

夫為人子者。出必告。反必面。所遊必有常。所習必有

業。恒言不稱老。夫音扶。告。古祿切。○告。面同耳。反言面者。從外來。宜知親之顏色安否。遊

必有常。習必有業者。緣親之意欲知之也。

孝子不服闇。不登危。懼辱親也。闇音暗。○服。事也。闇。冥也。不以闇冥之中

從事。為卒有非常。且嫌失禮也。為去聲。卒。倉沒切。

樂正子春曰。吾悔之。自吾母而不得吾情。吾惡乎用吾

情。惡音烏。○惡乎。猶於何也。禮子。

文王世子曰。文王之為世子。朝於王季日三。鷄初鳴而